

unserm Gedicht ist dem Bischof nur Glück widerfahren und der Kaiser muss ihm gestattet haben, sich von einem alexandrinischen Bischof weihen zu lassen. Er selbst hat 1172 Diepold von Passau geweiht (Cont. Cremifan. SS. IX, 546). Er starb 1185. Das Gedicht, bei welchem ich auf die Deutung der astrologischen Gelehrsamkeit verzichte, lautet:

- Urbibus é cunctis spetialibus inclita punctis,
 Alma Ratispona, summi patris excole dona!
 Qui tibi metropolim Norice gentis dedit olim,
 Is dedit hoc evo tibi pontificem sine nevo,
 5 Qui bonus et mundus, totus teres atque rotundus,
 Vincit honestate, virtute, fide, probitate,
 Regni primores, ut stellas luna minores.
 Fertur homo talis passim felicibus alis,
 Ad quarum plausum vehemens leo supprimit ausum,
 10 Quas temptando parum penne fatiunt aquilarum.
 Mirum quod constat, quia Fortune rota non stat,
 Nec tamen ipsa viro dubio nocet emula gîro.
 Dic, meus antistes, ubi res fuerint tibi tristes,
 Aut ubi cepisti quod non mox optinuisti?
 15 Ecce tue laudi subscribere quoslibet audi.
 Ore tibi festo benedicatur in manifesto;
 Hac in parte manum, si non est credere vanum,
 Ut vulgo dici solet, ipsi dant inimici,
 Nec lingue munus negat in tua lucra vel unus.
 20 Sic tibi semper erit: nunquam tibi gratia derit;
 Offitium plebis, ut habes, ita semper habebis.
 Cur hoc aut unde? de sursum, non aliunde.
 Rex tibi virtutum sit honoris nobile scutum:
 Hoc volumus, petimus, hoc optant summus et imus.
 25 Sane si crescit, et fama modum tua nescit,
 Fontem sincerum tantarum judico rerum
 Hunc, qui cunctorum pater extat et altor honorum.
 Attamen ut quedam paulisper ludicra dedam,
 Preter dona dei sunt hic lucra materieï.
 30 Vomere vel cultro non illa quis eruet ultro,
 Sed studio mentis, quod non est insipientis,
 Tantam quero viam causasque per astronomiam;
 Sed vereor multum, ne trufas sit dare stultum.
 Istius artis opus Chaldea sacerque Canopus,
 35 Et primum Siria dedit, atque Mesopotamia.
 Post hec sidereus dispensator Phtolomeus
 Supra walzagoram vestigandam dedit horam.
 Finibus immensis dedit arbiter Hispaliensis
 In planetarum sedes usum tabularum.